

OFFICIUM DE S. VICTORE CONFESSORE,
A sancto Bernardo, rogatu Guidonis abbatis
Arremarensis, compositum .

AD I VESPERAS.

ANTIPHONAE SUPER PSALMOS.

Victrix anima, quae sicut passer transvolans, laqueos
venantium evasisti; da ut tuo ab his patrocinio eruamur.

O miles emerite, qui debitam post certamen requiem accepisti,
respice in nos, qui et inter hostiles gladios tuis laudibus
occupamur.

O victor Jesu, quem in nostro Victore vicisse cognoscimus, da
ei sic sibi in te gloriari, ut non subeat oblivio nostri

CAPITULUM.

Dilectus a Deo et hominibus sanctus Victor, cujus memoria in
benedictione est, similem illum fecit in gloria sanctorum.

R\ (*prolixum*). O vere Victor, qui ex quo vixisti, vicisti ab utero usque ad tumulum, continuos promerendo triumphos. Da nobis ut sicut tuis animamur victoriis, muniamur et armis.

V\ Ut possimus resistere in die malo et in omnibus perfecti stare. Da nobis, etc.

HYMNUS.

Vita Victoris meritis praeclara,
Hominem terris, qui non sit de terra,
Velut e coelo datum repraesentat

Ad imitandum.

Christus in illo vixit, et non ipse;
Speculum vitae mortuis de mundo,
Homo coelestis praebuit se ipsum,

Similes quaerens. Aliquid quoque sanctius professus,
Exstitit Victor forma sanctitatis,
Integrum servans atque incorruptum

Decus honesti.

Unde et vidit visiones Dei,
Vidit et coelos aperiri sibi.

Nempe pudicos visio coelestis

Quaerit aspectus.

Gloria summae Trinitati Deo,
Gloria trina una personarum,
Tota cujusque non divisa trium,
Tres enim unum.

Ad Magnif. Antiphona. Magna est virtus Domini tui, Victor, nec minor pietas: et utinam per te nobis tam sit propitius ad salutem, quam tibi magnificus exstitit ad virtutem! Magnifica, Victor, Dominum, qui magna fecit tibi, magnum te faciens, ut faceres mirabilia, in quibus mirabilis fieres; dedit certare, ut vincere daret, et Victorem coronaret.

Collecta. Exaudi, Domine, quaesumus, tibi supplicantium preces ut, quos corporali beati confessoris tui Victoris fecisti praesentia gloriari, concedas ejus benigna intercessione undique praemuniri. Per Dominum Jesum, etc

1258 AD MATUTINUM.

Invitat. Confidete, Victor vicit mundum Gaudeamus in ejus victoria, ut vincamus.

HYMNUS.

Merito dulces angelorum voces
Corpore gravi audiebat homo,
Carneos luxus perimens, in carne
Angelum vivens.

Sic oportebat ut jam designatum
Vas in honorem sanctius maneret,
Sanctitas cujus dedicata fuit

Matris in alvo.
Denique carne gravidam cernentes
Matrem non ferunt, fugitant paventes,
Indicant nomen, confitentur sanctum
Utero clausum.
Neque tenello huic tam mature
Vita segura, gloriae invidit,
Et quidem magis cumulavit eam
Fenore multo.
Gloria summae Trinitati, etc.

IN PRIMO NOCTURNO, ANTIPHONAE.

Beatus vir qui legem dilexit, et cathedram non affectavit.
Servivit Domino in timore, et jam sine tremore exsultat ei.
Domine, in lumine vultus tui ambulavit, et nunc signatum est
super eum.
Verba tua, Domine, Victor auribus et corde percepit, ac per ea
vicit.
In ore Victoris perfecta laus, quia in corde ejus perpetua pax.
Confidenti in Domino frustra insidiati sunt, qui sagittant in
obscuris rectos corde.

LECTIO I.

Victoris vita et gloria, etc. *Vide supra inter Sermones de Sanctis, col. 371.*

R\ . O virum praecipuae sanctitatis, qui ante sanctus quam natus, ante Victor opere quam nomine fuit, ita ut clausus in utero, jam de hoste triumpharet.

V\ . Domine, praevenisti cum in benedictionibus dulcedinis. Ita ut, etc.

LECTIO II.

Habeamus dilectissimi, in vita Victoris, etc. *Vide supra, loco citato.*

R\ . O jucundum et inusitatum miraculum! Leo rugiens fugit a facie parvuli, necdum vagientis.

V\ . Sicut fluit cera a facie ignis; sic pereant peccatores a facie, etc.

LECTIO III.

Epulemur, dilectissimi, vocati ad mensam divitis, etc. *Vide supra, col. 372*

R\ O felix mater, cujus uterus sensit novitatem, nulli matrum compertam a diebus Joannis Baptistae

V\ Non est inventus similis illi a diebus, etc.

LECTIO IV.

Si diligenter itaque, fratres reverendissimi, considero, etc. *Vide supra, col. 373.*

R\ O Jesu bone, tua est virtus, tua victoria, quod agniculus unus luporum multitudinem exturbavit

V\ Antequam sciret puer vocare patrem aut matrem, luporum, etc.

IN SECUNDO NOCTURNO, ANTIPHONAE.

Ad nihilum deductus est in conspectu ejus malignus, ut sui nominis servaret veritatem.

Domine, in virtute tua laetabitur Victor, sciens non in sua virtute fecisse victoriam.

Non accepit in vano animam suam, qui de ratione rexit vitam suam, et ideo ascendit in montem Domini.

A timore inimici eripuisti, Domine, animam sancti, cui peracta victoria non restat pugna.

Te decet hymnus, te decet laus, cuius opus fuit, ut carne solutus Victor noster hominem solveret catenatum.

Bonum est confiteri Domino, cuius munera sanctorum merita, cui sanctus Victor, et quod sanctus est, et quod victor est, debere se confitetur.

1259 LECTIO V.

Gaudete in Domino, dilectissimi, qui, etc. *Vide supra, col. 373.*

R\ . Dum transiret rex Francorum, et veniret secus ubi habitabat eremita, admiratus est super his quae dicebantur de viro hoc.

V\ . Quanta audivimus et cognovimus ea, et patres nostri narraverunt nobis, super his, etc.

LECTIO VI.

Pausat miles emeritus, et post labores, etc. *Vide supra, col. 374.*

R\ . Jam thesaurum absconditum fama delatrix prodiderat, et non potuit praeterire regem praetereuntem, sed divertit ad tugurium pauperis, excitus fama sanctitatis.

V\ . Ut videret opera Domini et mirabilia ejus in deserto, excitus, etc.

LECTIO VII.

Fratres, latitudo coeli dilatat corda, non arctat, etc. *Vide supra, col. 375.*

R\ . Ingresso rege pauperis cellam, sollicitus hospes quod vinum non haberet, haustam de proximo fonte aquam benedicens convertit in vinum. Et bibit rex, et qui cum eo erant.

V\ . Repleti sunt omnes stupore et exstasi in eo quod contigerat illis. Et bibit, etc.

LECTIO VIII.

Parvus ad pugnam, magnus ad victoriam, etc. *Vide supra, col. 375.*

R\ Novum genus potentiae! aquae rubescunt hydriae; vinum jussa fundere mutavit unda originem.

V\ Dextera Domini fecit virtutem. Vinum, etc.

IN TERTIO NOCTURNO, ANTIPHONAE.

Quam pium, quam dulce, quam suave, o Victor, in hoc loco afflictionis, et in hoc corpore mortis te canere, te colere, te precari!

R\ Homo quidam non veritus malignari in Sanctum, furatus est triticum ejus, et abscondit in terram, et ecce miser traditur maligno spiritui.

V\ Maledictus homo qui abscondit frumenta in populis. Traditur, etc.

R\ Triste miraculum, sed justitiae plenum. Ut quem suggestorem, ipsum et ultorem sceleris homo daemonem pateretur.

V\ Justus es, Domine, et rectum judicium tuum. Ut quem, etc.

R\ Revelantur iniquitatis mysteria; daemon hominem cogit, homo daemonem prodit. Victor medius dijudicat inter illos.

Dum daemonem fugat, et hominem sanat, frumentum prodente ipsa malignitate recuperat.

V\ In fraude circumvenientium adfuit illi, et honestum fecit illum. Dum daemonem, etc.

R\ Suspiciens Victor, vidit coelos apertos, et crucem auream gemmis ornatam, et vox ad eum: Gemmae sunt animae, crucis gloriam assecutae, cujus ignominiam portaverunt.

V\ Laetetur Israel in eo qui fecit eum, et filiae Sion exsultent in rege suo. Cujus, etc.

AD LAUDES, ANTIPHONAE.

Corpore terras, mente coelos Victor inhabitans, aliquando aliquid nuntiantes, aliquando ineffabili cantus suavitate plausibiles voces angelicas audiebat.

Jam coelos ingressus, quos et ante oculis apertis suspiciebat, vere nunc revelata facie speculatur gloriam Dei.

Beata visio! qua in eandem imaginem, Victor, transformaris de claritate in claritatem, tanquam a Domini Spiritu.

Vere anima tua, Victor, una ex gemmis quae tibi in **1260** cruce apparuerunt, vere infixae cruci, cum divinae insertae gloriae, eandem sibi induit claritatis imaginem, quam invenit.

Omnipotens Pater, peccavimus tibi, facti filii alieni; sed appropriavimus in Victore nostro, qui cum vicerit cupiditatem suam, vincat et iram tuam, nos quoque in gratia potenter restituar.

R\ . Filiae Jerusalem, sancta anima migrat. Exite obviam ei.

V\ . Veniens venit cum exultatione. Exite, etc.

HYMNUS.

Vina de fonte non de vite manant,
Musta pro rivis colorata fluunt,
Benedicentis manu bene usa
Pro torculari.

Subito sapor subiens novellus,
In novos usus latices coegit,
Rege mirante, ubi non putabat
Regium potum.

Daemone tortus publicat se homo, Furta fatetur miser vel
invitus.

Pellitur tortor fure deprehenso,
Tortus et ipse.

Haec satis probant aliaque multa
Praerogativam gloriae Victoris;
Nec minoratam, quo praeventus fuit
Spiritu bono.

Gloria summae Trinitati, etc.

Ad Bened. Antiph. Felix generatio, cui exortum est lumen in tenebris. Victor, illuminare his qui in tenebris, et in umbra mortis sedebant.

Alia. Benedictus Dominus Deus Victoris, qui ipsum in medio statuens, cornu salutis erexit nobis, et rursum de medio tollens cum principibus collocavit, ut habeat ex hominibus, cui hominum peccata donet.

V\ . Haec dies tantae solemnitatis ejus, haec dies laetitiae gentis ejus. R\ . Exsulemus et laetemur in ea.

AD PRIMAM, ANTIPHONA.

Hodie posito corpore Victor, quo solo praepediri ab introitu gloriae videbatur, dives meritis, signis clarus, expeditus penetravit in sancta, similis factus in gloria sanctorum.

AD TERTIAM.

Nomen tuum et memoriale tuum Victor, favus distillans in labiis captivorum. Eia ergo, fortis athleta, dulcis patrone, advocate fidelis, exsurge in adjutorium nobis, ut de plena victoria glorieris.

AD SEXTAM.

Vincenti expandit gremium suum, qui pugnanti dederat spiritum suum. Ibi, ibi, tu qui ubique es, cogitare de miseris inspira ei, Deus; supplicantem pro miseris suscipe eum, Deus; exorantem pro miseris exaudi eum, Deus.

AD NONAM.

Absorptus est Victor in gloria Filii Dei: immitte ei nostri semper memorem fieri, nostram in tuo tremendo iudicio suscipere et agere causam.

AD II VESPERAS.

Sancte Victor, quis digne explicet laudes tuas, castimoniae decus, animi virtutem, conscientiae puritatem?

Sancte Victor, quis det nobis, ut cum memoria abundantiae suavitatis tuae insideat nobis forma rectitudinis vitae tuae?

Sancte Victor, mitte nobis auxilium de sancto, et de Sion tuere nos, qui de terra te laudamus.

Sancte Victor, sanctitas tua, victoria tua, quo nobis salubrior,
eo tibi gloriosior invenitur.

V\ . Ecce appropinquat Victor gloriosus, cito proferte
coronam.

R\ . Jam intrat in gaudium Domini sui.

Ad Magnif. Antiph. O magnifice Victor, etsi elevata est
magnificentia tua super coelos, sed non terrae inopes tua jugis
munificentia derelinquat.